



ORDENANZA FISCAL Nº 18

ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS

Artigo 1º. Natureza e feito imponible.

1.- O Imposto sobre Actividades Económicas é un tributo directo de carácter real cuxo feito imponible está constituído polo mero exercicio neste termo municipal de actividades empresariais, profesionais ou artísticas, exérganse ou non en local determinado e se atopen ou non especificadas nas tarifas do imposto.

2.- Considéranse, ós efectos deste imposto, actividades empresariais as gandeiras, cando teñan carácter independente, as mineiras, industriais, comerciais e de servizos. Non teñen, por conseguinte, tal consideración as actividades agrícolas, as gandeiras dependentes, as forestais e as pesqueiras, non constituíndo feito imponible polo imposto ningunha delas.

A efectos do previsto no parágrafo anterior terá a consideración de gandería independente o conxunto de cabezas de gando que se encontre comprendido en algún dos casos seguintes:

- a) Que paste ou se alimente fundamentalmente en terras que non sexan explotadas agrícola ou forestalmente polo dono do gando.
- b) O estabulado fora das fincas rústicas.
- c) O transhumante ou trasterminante.
- d) Aquel que se alimente fundamentalmente con pensos non producidos na finca en que se críe.

3. Considérase que unha actividade se exerce con carácter empresarial, profesional ou artístico, cando supoña a ordenación por conta propia de medios de produción e de recursos humanos ou dun de ambos, coa finalidade de intervir na produción ou distribución de bens ou servizos.

4. O contido das actividades gravadas está definido nas Tarifas do Imposto, aprobadas por Reais Decretos Lexislativos 1175/1990, de 28 de setembro (B.O.E. de 29 de setembro, 1 e 2 de outubro) e 1259/1991, de 2 de agosto (B.O.E. de 6 de agosto).

5. O exercicio das actividades gravadas probarase por calquera medio admisible en dereito e, en particular, polos contemplados no artigo 3 do Código de Comercio.

Artigo 2º. Supostos de non suxeición.

Non constitúe feito imponible neste imposto o exercicio das seguintes actividades:

1. A enaxenación de bens integrados no activo fixo das empresas que figurarán debidamente inventariados como tal inmovilizado con máis de dous anos de antelación



á data de transmitirse, e a venda de bens de uso particular e privado do vendedor sempre que os utilizara durante igual período de tempo.

2. A venda de produtos que se reciben en pagamento de traballos persoais ou servizos profesionais.
3. A exposición de artigos co fin exclusivo de decoración ou adorno do establecemento. Polo contrario, estará suxeita ó imposto a exposición de artigos para regalo ós clientes.
4. Cando se trate de venda ó por menor a realización dun só acto ou operación illada.

Artigo 3º. Exencións.

1. Están exentos do imposto:

- a) O Estado, as Comunidades Autónomas e as Entidades Locais, así como os seus respectivos organismos autónomos de carácter administrativo.
- b) Os suxeitos pasivos ós que lles sexa de aplicación a exención en virtude de Tratados ou de Convenios Internacionais.
- c) As Entidades xestoras da Seguridade Social e de Mutualidades e Montepíos constituídos conforme ó previsto na Lei 33/1984, de 2 de agosto.
- d) Os organismos públicos de investigación e os establecementos de ensinanza en todos os seus graos, costeados integramente con fondos do Estado, das Comunidades Autónomas ou das Entidades Locais, ou por Fundacións declaradas benéficas de utilidade pública, aínda que por excepción vendan no mesmo establecemento os produtos dos talleres dedicados a dita ensinanza, sempre que o importe de dita venda, sen utilidade para ningún particular ou terceira persoa, se destine exclusivamente á adquisición de materias primas ou ó sostemento do establecemento.
- e) As Asociacións e Fundacións de diminuídos físicos, psíquicos e sensoriais, sen ánimo de lucro, polas actividades de carácter pedagóxico, científico, asistencial e de emprego que para a ensinanza, educación, rehabilitación e tutela de minusválidos realicen, aínda que vendan os produtos dos talleres dedicados a ditos fins, sempre que o importe de dita venda, sen utilidade para ningún particular ou terceira persoa, se destine exclusivamente á adquisición de materias primas ou ó sostemento do establecemento.
- f) A Cruz Vermella Española.

2. Os beneficios regulados nas letras d) e e) do apartado anterior terán carácter rogado e concederanse, cando proceda, a instancia de partes.

3. Quen á data de comezo de aplicación do Imposto sobre Actividades Económicas gocen de calquera beneficio fiscal na Licencia Fiscal de Actividades Comerciais e Industriais ou na Licencia Fiscal de Actividades Profesionais e de artistas continuarán disfrutando dos mesmos no imposto citado en primeiro lugar ata a data da súa extinción, e se non tiveran



término de disfrute ata o 31 de decembro de 1.994, inclusive, sen prexuízo das obrigacións formais que a eles incumben.

Artigo 4º. Suxeitos pasivos.

Son suxeitos pasivos deste imposto as persoas físicas ou xurídicas e as Entidades a que se refire o artigo 35.3 da Lei Xeral Tributaria sempre que realicen neste termo municipal calquera das actividades que orixinan o feito imponible.

Artigo 5º. Cota tributaria.

1. A cota tributaria será a resultante de aplicar as Tarifas do Imposto, de acordo cos preceptos contidos no Texto refundido da Lei reguladora das Facendas Locais, e nos Reais Decretos Legislativos 1175/1990 do 28 de setembro e 1259/1991, do 2 de agosto, así como o coeficiente e os índices acordados por este Concello e regulados, respectivamente, nos artigos 6º e 7º desta Ordenanza fiscal, e no seu caso, o recargo provincial que estableza a Deputación da Coruña.
2. Se as sucesivas Leis de Presupostos Xerais do Estado modificaran as Tarifas do Imposto e/ou actualizaran as cotas contidas nas mesmas, ditas variacións terán plena vixencia e surtirán efecto dende a súa entrada en vigor.

Artigo 6º. Índice de situación.

1. Aos efectos do previsto no artigo 87 do Texto refundido da Lei de Facendas Locais 2/2004, as vías públicas deste municipio clasifícanse en tres categorías fiscais, tendo en conta o grao de servizos, dinamismo económico, situación de tránsito, etc.. Anexo a esta Ordenanza figura o índice alfabético das vías públicas con expresión da categoría fiscal que corresponde a cada unha delas.
2. As vías públicas que non aparezan sinaladas na índice alfabética antes citada serán consideradas de primeira categoría, permanecendo en dita calificación ata o primeiro de xaneiro do ano seguinte a aquél no que se aprobe polo Pleno desta Corporación a categoría fiscal correspondente e a súa inclusión no índice alfabético de vías públicas.
3. Sobre as cotas incrementadas por aplicación do coeficiente sinalado no artigo 86 do Texto refundido da Lei de Facendas Locais 2/2004, e atendendo a categoría fiscal da vía pública onde radica fisicamente o local no que se realiza a actividade económica, establececese a seguinte tabla de índices:

CATEGORIA FISCAL DAS VÍAS PÚBLICAS.

- a) categoría 1: 3,0%
- b) categoría 2: 2,0%
- c) categoría 3: 1,6%

4. O coeficiente aplicable virá determinado polo correspondente á categoría da rúa onde teña sulinado o número ou donde teña a entrada principal o local.



5. A aquelas actividades que tributen por cota provincial ou nacional non lles serán aplicables nin o coeficiente ni o índice de situación regulados nesta Ordenanza.

Artigo 7º. Período impositivo e devengo.

1. O período impositivo coincide co ano natural, excepto cando se trate de declaracións de alta, en cuxo caso abarcará dende a data de comezo da actividade ata o final do ano natural.
2. O imposto devéngase o primeiro día do período impositivo e as cotas serán irreductibles, salvo cando nos casos de declaración de alta, o día de comezo da actividade non coincida proporcionalmente ó número de trimestres naturais que restan para finalizar o ano, incluído o de comezo do exercicio da actividade.
- 3.- Tratándose de espectáculos, cando as cotas estean establecidas por actuacións illadas, o devengo prodúcese pola realización de cada unha delas, debéndose presentar as correspondentes declaracións na forma que se estableza regulamentariamente.

Artigo 8º. Normas de xestión do imposto.

A xestión deste imposto realizarase de conformidade co disposto nos artigos 90 e 91 do RDL 2/2004, de 5 marzo, pola que se aproba o texto refundido da Lei reguladora das facendas locais.

Artigo 9º. Comprobación e investigación.

Nos termos que se dispoñan polo Ministro de Economía e Facenda, o Concello recabará para si as funcións de inspección do Imposto sobre Actividades Económicas, que comprenderán a comprobación e investigación, a práctica das liquidacións tributarias que no seu caso procedan e a notificación da inclusión, exclusión ou alteración dos datos contidos nos censos, todo referido, exclusivamente, ós supostos de tributación por cota municipal.

Artigo 10º. Delegación de facultades.

Se o Concello delegara na Diputación Provincial da Coruña as facultades referidas nos artigos 8 e 9 desta Ordenanza ou exclusivamente as dun deles, e esta delegación é aceptada, as normas contidas en ditos artigos serán aplicables ás actuacións que deba efectuar a administración delegada.

Disposición derradeira.

A presente ordenanza entrará en vigor una vez aprobada definitivamente, e publicada o seu texto íntegro no BOP, consonte co previsto no art. 107.1 da LBRL, permanecendo en vigor ata a súa modificación ou derogación expresa. Comenzará a aplicarse a partir do día 1 de xaneiro de 2008, se a súa publicación definitiva no BOP se produce antes do 1 de xaneiro de dito ano, e senon o día seguinte da su publicación.



ANEXO I

De acordo co establecido no artigo 6 desta Ordenanza, xuntase o índice alfabético de vías públicas e categoría fiscal das vías públicas por parroquias.

Parroquia de Baiñas

1ª Categoría: Resto

2ª Categoría: Baiñas, Rúa Baiñas A, Rúa Baiñas B, Rúa Baiñas C, As Cabazas, Manlle, O Orbellido, O Outeiro, Padreiro de Abaixo, Padreiro de Arriba, Rabós, Santa Comba, O Sixto, O Val, Vilanova.

Parroquia de Bamiro

1ª Categoría: Resto

2ª Categoría: Bamiro, O Campo, O Campo da Feira, O Cean, Cheis, Orons, A Piroga

Parroquia de Berdoias

1ª Categoría: Resto

2ª Categoría: Berdoias, Boallo, A Bouza, A Casanova, Grixoa, Pedra do Frade, O Petón, Rego dos Podres, Romar, Santa Cristiña

Parroquia de Calo

1ª Categoría: Resto

2ª Categoría: Calabanda, Calo, Magro, Pasarela, O Penedo

Parroquia de Cambeda

1ª Categoría: Resto

2ª Categoría: Cambeda, Castiñeira, Caxadas, Cubes, Ogas, Paizas, Piñeiros, Rasamonde, Sanfíns.

Parroquia de Carantoña

1ª Categoría: Resto

2ª Categoría: Braño, Carantoña, Figaredo, Lexas, Recesindes, Tras do Cean

Parroquia de Carnés

1ª Categoría: Resto

2ª Categoría: Campolongo, Carnés, A Casiña, A Devesa, Montecelos, Moreira, Mouzo

Parroquia de Castrelo

1ª Categoría: Resto

2ª Categoría: Cerbán, Lavandeira, Roalo, O Vilar, Vilaseco

Parroquia de Cereixo



1ª Categoría: Resto

2ª Categoría: Cures, A Esquipa, Porto de Cereixo, Tufións, Vilar

Parroquia de Salto

1ª Categoría: Resto

2ª Categoría: O Careixo, Castro, Castromil, A Costa, A Lagoa, Reboredo, Reparada, Salto, Santa Irena, Señoráns, Torelo

Parroquia de Serramo

1ª Categoría: Resto

2ª Categoría: A Carballa, Casas Novas, O Comareiro, Novelle, Serramo, Subeiro

Parroquia de Tines

1ª Categoría: Resto

2ª Categoría: Pazos, Tines

Parroquia de Treos

1ª Categoría: Resto

2ª Categoría: A Areosa, O Arxomil, Carnio, Colúns, Quintáns, Sandrexo, Treos, Treviño, Xora

Parroquia de Vimianzo

1ª Categoría: Resto

2ª Categoría: Avda. da Gándara, Bribes, Casais, A Gándara, Gándara de Osa, As Pasantes, A Ponterroda, Sansobre, Somonte, A Toxa, Urroa, A Valiña, Vilar, Praza do Concello, Rúa Candil, Rúa Castelao, Rúa Codeseiras, Rúa Curros Enríquez, Rúa Rosalia de Castro, Rúa Tedin, Rúa Torre, Rúa Tras do Muiño A, Rúa Tras do Muiño B, Rúa Tras do Muiño C, Rúa Tras do Muiño D, Rúa Tras do Muiño E, Rúa Trasariz, Rúa Trasouteiro, Rúa Vilar, Rúa Fisterre, Rúa A Pontenova A, Rúa A Pontenova B, Rúa Braña da Grixá, Rúa Fonte dos Cabalos, Rúa Casais, Rúa Alvaro Cunqueiro, Rúa Antonio Vazquez Mouzo, Rúa Blanco Rajoy, Rúa Evaristo Martelo, Rúa I, Rúa Agro de Trasariz A, Rúa Agro de Trasariz B, Rúa Agro de Trasariz C, Rúa Agro de Trasariz D, Rúa Braña A, Rúa Braña B

3ª Categoría: Polígono Industrial de Vimianzo

A presente ordenanza está publicada no [BOP núm. 300 do luns, 31 de decembro de 2007](#)